

Aatsitassanut Ikummatissanullu Pisortaqaarfimmut  
Maani

## **Pillugu: Evaluation of Environmental and Socio-economic Impacts of the construction of 3 camps and associated work**

Peqqissutsimut Naalakkersuisoqarfik tusarniaanermi periarfissamut qujavoq.

### **Oqaaseqaatit nalinginnaasut**

Peqqissutsimut Naalakkersuisoqarfiup naatsorsuutigaa tammaarsimaarfiit angissusaat pisariaqartitsinnermut naleqquttut, taamaalillutillu suliaqarfissami inuit 240-it suliffissaqartinneqassasut naatsorsuutigineqarsinnaasooq.

Ikaartarfiugallartussaq 6 meterisut silissuseqarpoq, 1,5 meterisut portussuseqarluni aammalu 250 meterisut takissusilimmik nunniugartaqarluni ruujorimik kuuffittalimmik. Taanna siusinnerpaamik martsimi ikkunneqassasoq aammalu maajimi nunap aattulinnginnerani peerneqaqqissasoq naatsorsuutigineqarpoq. Tusarniaanermut piffissaliussaq pissutaalluni – immaqalu aamma sikoqarnera pissutaalluni – ikaartarfiup sananeqarnissaa piffissami pilersaarutigineqartumi aallartissinnaassanngilaq, taamaattumillu nunap aattulernerata aallartinnissaa sioqqullugu peerneqarsinnaanaviarani. Tamanna sumiiffimmit qarsutsinissamut kuugusnaanissaanullu annertooujussuarmik pingaaruteqalersinnaavoq aammalu ukioq manna aperujussuarneranit ajornerulersinneqarsinnaalluni.

Nalunaarusiami imikumik kuutsitsinnermut tunngatillugu allassimavoq, kuutsitsineq kuummut ingerlatinneqartartoq. Inunnit 80-init x 3 (ilimanarluni) imikumik kuutsitsineq – imikoq toqunartuiarneqarsimagaluarpuunniit imaluunniit pingaartumik imikumik toqunartuiarneqarsimasumik toqunartuiaanerup qanoq pisimanera apeqqutaalluni – kuummut ingerlaartitsinissaq tulluarsorinanngilaq. Kuutsitsineq sapinngisamik kangerlummut ingerlaartinneqartassasoq aammalu engup taarserarfiulluarfiginerusagaani imaluunniit kuutsitsinerup sunniutigisassaasa erseqqinnerusumik paasinarsinneqarnissai piumasarineqartariaqaraluarpoq.

### **Peqqinnissap aamma peqqinnissamut upalungaarsimanerup tungaaniit isigalugu oqaaseqaatit immikkuullarissut**

Peqqinnissamut aamma isumannaallisaanermut periaatsit maannakkorpiaq ajoraluurtumik sulii allaaserineqarsimannngillat.

Pisinnaatissummik pigisaqartup periaasissat taakkua nassiutereeripagit, Peqqissutsimut Naalakkersuisoqarfiup peqqinnissamut isumannaallisaanermullu periaatsinut tunngatillugu tusarniarneqarnissani naatsorsuutigaa. Tamatuma saniatigut Naalakkersuisoqarfiup naatsorsuutigaa najoqqutassat allat / siusinnerusukkut suliarineqarsimasut, najoqqutassani matumani aallaavigineqartut imaluunniit taakkununga tunngassuteqartut aamma nassiunneqassasut.

### **Peqqinnissamut upalungaarsimanerup tunngatillugu**

07. mar 2012  
Sagsnr. 2012-063032  
Dok. Nr. 846381

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@nanoq.gl  
www.nanoq.gl

Peqqissutsimut Naalakkersuisoqarfiup naatsorsuutigaa, pisinnaatitsissummik pigisaqartoq suliaqarnerup marts 2012-imi aallartinnginnerani – aamma subcontractors sinnerlugu – Kalaallit Nunaanni peqqinnissaqarfimmit sullissinernut taakkunungalu akiluteqartarnissamut tunngatillugu Peqqissutsimut Naalakkersuisoqarfimmut isumaqatigiissuteqassasoq.

Peqqissutsimut Naalakkersuisoqarfiup naatsorsuutigaa, inuit pisinnaatitsissummik pigisaqartumi imaluunniit taassuma subcontractors-iini atorfeqartinneqartut tamarmik, kisiannili Kalaallit Nunaanni aalajangersimasumik najugaqartuunngitsut, piffissap atorfeqarnerisa nalaat tamaat piffissamut tamakkiisumut sillimmasiissummi aamma peqqinnissamut sullississutinut sunulluunniit tamanut matussusiisussami pineqartunut ilaatinneqassasut.

Tamatuma saniatigut Peqqissutsimut Naalakkersuisoqarfiup naatsorsuutigaa, atorfeqarfinneqartut ajoqusersimasinnaasut Nuummi peqqinnissaqarfimmut assartorneqarnissaannut aningaasartuutit tamaasa kiisalu Nuummi peqqinnissaqarfiup sulisuisa / sullissiviisa avataanni peqqinnissaqarfiup sullissiviinit, pisariaqartitsineq taamaattoq pilersimassagaluarpat, ikiorserneqarnermut aningaasartuutit pisinnaatitsissummik pigisaqartup akilissagai. Tamanna inunnut Kalaallit Nunaanni najugaqartunut aammalu Kalaallit Nunaata avataani najugaqartunut atuutissaaq.

#### **Peqqinnissamut upalungaarsimanermut tunngatillugu**

Oqaatigineqareersut, Aatsitassanut Ikummatissanullu Pisortaqarfiup suliaqarnissamut tunngatillugu peqqinnissamut upalungaarsimanermut akuersissuteqalinnginnerani, peqqinnissamut upalungaarsimanermut pilersaarutigineqartumut tunngatillugu tusarniarneqarnissani Peqqissutsimut Naalakkersuisoqarfiup naatsorsuutigaa.

#### **Isumannaallisaanermut periaatsinut tunngatillugu**

Peqqissutsimut Naalakkersuisoqarfiup naatsorsuutigaa, pisinnaatitsissummik pigisaqartumi imaluunniit subcontractors-imi sulisut tamarmik naleqquttumik akuersissummik allagartaqassasut.

Inussiarnersumik inuulluaqqusillunga

Birgit Niclasen  
Nakorsatut sulianut siunnersorti  
Peqqissutsimut Naalakkersuisoqarfik  
bivn@nanoq.gl